

zaniam. Prooemium orditur: *Ad intellectum tabule compilate ad opus beati Thome de Aquino sciendum est quod tabula remittit primo ad summam Theologie &c.* Atque haec Tabula rudimentum fortasse fuit amplissimae illius, quam condidit Petrus de Bergamo O. P. quaeque primum typis Balth. Azzoguidi prodiit Bononiae 1475. saepius deinceps recusa, ut habes T. I. *Scriptt. Ord.* p. 864. Monet *Quetifus b. l.* in *Edit. Rom.* 1570. conditorem Tabulae Petrum perperam dici mortuum a. 1484. pro 1482. Sed is, siquidem error est, jam in antiquioribus exemplis, puta *Venet.* 1497. legitur.

DL.

U. 291 Codex membraneus lat. Sec. XIV. Folior. 227. f. per duas columnas fat bene exaratus, rubricis decoratus, et, ut praenotatur, a. 1428. Collegio Ducali additus testamento M. Theodorici de Hamelburgk S. T. D. qui nobis non semel memoratus eum teste *p. ult.* a D. *Johanne Deyffenhusen* anno 1421. emerat, ita minio inscribitur: *Incipit Summa de theologia edita a fratre fratre thoma de aquino prima pars.* Et ad calcem: *Explicit liber primus summe fratris thome de aquino ordinis fratrum predicatorum Magistri in theologia.* Operis hujus notissimi Historiam lit. criticam habes in *Scriptoribus Ord. Praed.* T. I. p. 290. In *Edit. Opp. Thomae Rom.* 1570. f. occupat Tomos X. XI.

XII. Prodiit vero seorsim cura *Job. Nicolai* ejusd. *Ord. Paris.* 1663. f. cui Editioni comparatum praesens Exemplar recte habere comperi. Initium est: *Quia catholice ueritatis doctor non solum prouectos debet instruere &c.* et Finis: *talis enim partus decebat eum qui est super omnia benedictus deus in secula amen.* Praeuius *Quaestionum et Articulorum Index* capite mutilatus est.

DLI.

Codex membraneus lat. Sec. R. 665 XIV. Folior. 182. f. per duas columnas luculente scriptus et coloribus distinctus aliud Exemplar est ejusdem Operis praevio Indice alphabetico et Titulorum, ad quorum calcem: *Expliciunt tituli prime partis summe fratris thome de aquino ordinis fratrum predicatorum,* et ad calcem totius: *Corpus scriptoris seruet deus omnibus horis. Explicit prima pars Summe fratris th. de aquino predicatoris. in qua continentur Distinctiones 119. questiones autem 584.*

DLII.

Codex chartaceus lat. Sec. XV. U. 292 Folior. 338. f. per duas columnas nitide scriptus, et rubro distinctus aliud Exemplar est *Partis I. Summae* theologiae D. *Thomae Aquinatis,* et ipsum integrum, nisi quod ad calcem exciderint Indicis contentorum Extrema. Nulla vero in toto Codice Autoris mentio.

DLIII.

1251

CODICES

1252

DLIII.

U. 293 Codex chartaceus lat. Sec. XV. Folior. 326. f. per duas columnas scriptus, et rubricis distinctus hunc Titulum miniatum praefert: *Incipit secunda pars summe de theologia edite a fratre Thoma de aquino ordinis fratrum predicatorum.* Initium, ut apud Nicolai cit. *Quia sicut Damascenus dicit &c.* Quia vero, ut notum, *Pars* haec *Secunda* rursus dispescitur in *Partem primam Secundae*, et *secundam Secundae*, hoc Codice non nisi *Prima Secundae* continetur, quae definit: *non autem mali. Et hec de moralibus in communi dicta sufficiant.* Adjecit Librarius: *Explicit prima secunde finita anno domini 1418. feria 3. mens. Octobris die 18. de gratia dei.* Succedit contentorum Elenchus.

DLIV.

U. 298 Codex chartaceus lat. Sec. XV. Folior. 345. f. per duas columnas luculente exaratus, rubricis distinctus, olimque *Collegio B. Mariae Virg. domus Rubee rose apud fratres predicatorum in Wyenna legatus* a M. Jacobo de Wuldendorff arcium ac sacre pagine professore et ad sanctum steffanum Canonico complectitur Operis mox dicti *Partis II. Partem Secundam*, quae, ut apud Nicolai cit. incipit: *Post communem considerationem de virtutibus et vicijs &c.* verum, cum *Traetatio integra Quaestionibus CLXXXIX.* definiatur, Exemplum ficit in *Q. XCVI.* his ver-

bis: *ad figuras scriptas, quam ad intellectum verborum.* Atque totidem etiam *Quaestionum Elenchus* sequitur adjuncto alphabetico *Rerum.*

DLV.

Codex membraneus lat. Sec. R. 3027 XIV. Folior. 122. f. per duas columnas nitide, multis tamen vocum compendiis, scriptus, coloribus distinctus, et prius *Monasterij Sancte Dorothee Canonorum Regularium in Vienna* est D. Thomae Aquinatis *Prima Secundae Partis Summae Theologicae*, prout extat in Editionibus v. g. *Patavina* 1698. T. II. p. 1. f. hoc initio: *Quia sicut damascenus dicit homo factus ad ymaginem dei dicitur &c.* Integra omnia, et ad calcem minio sic habetur: *Liber Monasterij Sancte dorothee Canonorum regularium in wienna emptus a domino preposito sternbergense pro quinque florenis licet taxatus fuerit pro quatuor solum, et datus fuit monasterio in sternberg (Canon. Regul. in Circ. Olomuc. Moraviae) Per M. Zanderum canonicum ecclesie Olomucensis A. 1435°.* Rescripta est haec Formula super aliam erasam. Sequitur adcuratus *Quaestionum seu Titulorum Index.*

DLVI.

Codex chartaceus lat. Sec. U. 296 XIV. Folior. 437. f. per duas columnas exaratus, et rubricis maximam partem distinctus continet